

## Universitätsbibliothek Paderborn

**Illvstrissimi Viri Petri De Marca Archiepiscopi Parisiensis  
Dissertationvm De Concordia Sacerdotii Et Imperii, Sev  
De Libertatibvs Ecclesiæ Gallicanæ, Libri Octo**

**Marca, Pierre de**

**Parisiis, 1669**

III. Primus omnium Gregorius magnus canonum Constantinopolitanorum & Chalcedonensium instituta, à decessoribus suis non custodita, transtulit ad explicandam sedis suæ dignitatem. Hi autem primam de ...

**urn:nbn:de:hbz:466:1-15617**

## & Imperij Lib. VII. Cap. XVIII. 347

quentibus. Vigilius certe nihil aliud sedi apostolicæ reservat præter judicia appellationum. Vnde sequitur eum Episcopis provincialibus relinquere jus decernendi depositiones collegarum suorum absque permis-  
su sedis apostolicae. *Omnium*, inquit illé in epistola ad Eutherium, quæ anno quingen-  
tesimo quadragesimo data est, *appellantum apostolicam sedem Episcoporum judicia eidem sancte sedi reservata esse liquet.*

I I. Pelagius verò secundus, qui anno quingentesimo septuagesimo septimo sede-  
bat, aperte pronuntiat eam esse certam pro-  
vinciam quæ constat ex decem vel undecim  
civitatibus sub uno Rege & totidem inferioribus potestatibus, quoad civilem reipu-  
blicæ statum, cuius rei exempla hoc aeo extabant apud Reges Longobardorum, &  
Suevorum in Gallacia. Tum quoad spiri-  
tualia administranda, eam etiam esse certam  
provinciam quæ unum Episcopum habet &  
decem vel undecim Episcopos suffraganeos  
ad judicandas causas omnium Episcoporum  
in plena synodo, adeo ut opus non sit ad  
alias convolare provincias, nisi si ad majo-  
rem sedem fuerit provocatum, vel si con-  
venire non potuerit inter judices, quo casu,  
referendum esse ad majorem sedem, id est, ad  
sedem apostolicam. Hæc sunt verba Pelagi  
in epistola ad Ioannem Constantinopolita-  
num: *Scitote certam provinciam esse quæ habet  
decem vel undecim civitates, & unum Regem,  
& totidem minores potestates sub se, & unum  
Episcopum aliisque suffragatores decem vel un-  
decim Episcopos judices, ad quorum judicium  
omnes causa Episcoporum & reliquorum sacer-  
dotum ac civitatum cause referantur, ut ab his  
omnibus iuste consona voce discernantur, nisi ad  
majorem auctoritatem fuerit ab his qui judicandi  
sunt appellatum &c.*

I I I. Inter omnes verò Pontifices nemo  
peritior fuit juriū sedis apostolicae, quoad  
appellations, quam Gregorius magnus. Re-  
bus ille gerendis admotus per multos annos,  
Ecclesiæ orientalis mores introspererat, cùm  
sedis apostolicae Apocrisiarium ageret Con-  
stantinopolii, ideoque melius intellexit quam  
decessores sui quænam esset secundum ca-  
nones auctoritas Summi Pontificis in patri-  
archatu Occidentis. Nam Concilium Con-  
stantinopolianum itemque Chalcedonense  
unicuique Patriarchæ ejusque synodo com-  
miserant judicia appellationum ab Episco-  
pis depositis interpositarum, itemque alia-  
rum causarum ecclesiasticarum, Metropo-  
litanorum verò primam cognitionem. Ve-  
rū quia versio Latina Dionysij Exiguī, qua  
utebatur occidentalis Ecclesia, pro his ca-  
nonum Græcorum vocibus *Exarchus Diace-*  
Tom. II.

*ses*, qua Diocesos Patriarcham signifi-  
cant, habebat *Primas Dioceses*, hinc factum  
ut vis hujus vocis ignota fuerit Occidenti,  
creditumque fuerit eam significare Metro-  
politanum aliquem qui vicinus esset aut an-  
tiquior eo adversus quem lata sententia erat.  
Sanè Hadrianus primus & Hincmarus Pri-  
matem Diocesos non alium esse existi-  
mant quam Metropolitanum. Præterea cùm  
canon Chalcedonensis ei qui adversus Me-  
tropolitanum agit tribueret arbitrium im-  
plorandi opem Exarchi Diocesos aut Thro-  
num Constantinopolitanum, hanc dignita-  
tem novæ Romæ collatam concoquere non  
poterat Ecclesia Romana. Itaque his cano-  
nibus uti noluit ad afferendam auctoritatem  
suam. Nam aliunde possidebat illa jus cog-  
noscendi de appellationibus Episcoporum,  
quod ipsi tributum fuerat in synodo Sardi-  
ensi, itemque jus causas Metropolitanorum  
definiendi ante omnem appellationem,  
primo videlicet judicio, post rescriptum  
Gratiani. Quo fiebat ut parum illa folli-  
ta esset de canonibus Chalcedonibus. At  
Gregorius magnus eorum præjudicio digni-  
tatem suæ sedis explicavit, ne quidem no-  
minata synodo Chalcedonensi. Quippe cùm  
animadverteret veram horum canonum  
mentem in legem publicam versam esse ab  
Imperatore Iustiniano in Novella c x x i i i.  
quæ præcipit appellationes judicari à Pa-  
triarchis uniuscujusque Diocesos, ab ea  
arcet sit jus illud sedi Romane quæsumum in  
Occidente.

I V. Hinc factum ut in epistolis suis apo-  
stolicæ sedi jus vindicet judicandi, secun-  
dum canones, accusationes institutas ad-  
versus Metropolitanos: *Si contra Metro-  
politanum aliquid cause habuerit, ob hoc sedis  
apostolice petat judicium, quod per canones an-  
tiquorum patrum est institutione permisum.* Legimus verò in regesto Epistolarum ejus,  
eum quandoque apud Romam judicasse,  
non solum causas Episcoporum Italiae, sed  
etiam aliarum provinciarum, interdum ve-  
rò causæ definitionem remisisse in provin-  
ciā, misso etiam Legato, juxta canones  
Sardenses. Primi casus illustre exemplum  
extat in causa Andreæ Episcopi Thebani,  
Fuerat is depositus, nullo juris ordine ser-  
vato, ab Episcopo primæ Iustinianæ, qui dein  
Archiepiscopus Bulgariae dictus est: cuius  
auctoritas ea tempestate porrigebatur supra  
octo Metropolitanos Illyrici occidentalis,  
juxta constitutionem Iustiniani, cui Papa  
Vigilius consenserat. Gregorius ergo appella-  
tionem judicans in sede sua, judicij acta  
rescidit, Andreāque restituit, Archiepisco-  
pum verò à communione suspendit ad sex  
mensium spatium. X x ij